

20 urteren ostean aske da Mitxel Sarasketa, denbora gehien kartzelan zerraman preso

Eibartarra atzo arratsaldeko 15:45etan irten zen Basauriko presondegitik

Mitxel Sarasketa preso eibartarra aske geratu zen atzo arratsaldean, kartzelan 20 urte eman ondoren. Zigorraren hiru laurdeak 1993an bete bazituen ere, bost urte gehiago behar izan du Basauritik baldintzapeko askatasunean irteteko. Egungo prozesua ez dela erraza izango uste arren, baitartasunez ikusten du etorkizuna Sarasketak.

Iñaki Uriarte / Basauri

AZKEN ordura arte aske geratu-ko zenetz zalantzan egon bazen ere, azkenean laurak laurden gutxiagotan irten zen Mitxel Sarasketa Basauritik. Kartzelak iragan ostiralean hirugarren gradua aitortu arren, epaileak fiskalaren informea behar zuen askatasun autoa egiteko. Tramite hori azken momentuan bete zen.

Atean Usune Iriondo neskalaguna eta semea ez ezik, hainbat senide, lagun eta preso ohi aurkitu zituen Sarasketak. Ikurrinak eskuan, eguerditik zain zeuden hainbat lagunak hesia igaro eta besarkatzera hurbildu zitzaizkion. Gero Hator hator kanta eta phorezko aureskua hartu zituen presondegitiko ateetan bertan. Senideak elkarteko Tomas Karrera eta AABetako Julen Zelarain eta Aitor Jugo ere ateetan zituen zain, besteak beste.

Basauriko herriko tabernan, txalapartarien agurra, beste auresku bat eta Algortako bertso eskolako lagun biren bertsoak entzun zituen. Jose Antonio Torre Altonaga, arestira arte kartzelan urte gehien eman zuen presoak ere ez zuen Sarasketa besarkatzeko aukera galdu.

Sarasketa bitan irten zen atzo kartzelatik. Joan den astelehenean izaniko epilepsia aztertzeo konortea galdu eta ospitalera eraman behar izan zuten—Basurtuko ospitalera eraman zuten goizean. «Elektroenzefalo-



Mitxel Sarasketa atzo Basauriko kartzelatik irten zenean, Uxune neskalaguna, hari musu ematen. XOUSE SIMAL

grama bat egin didate gaur bertan, eta ba omen daukat enbolia-ko arrasto bat. Horrek esan nahi duena da edozein momentutan beste epilepsia bat izan ahal dudala. Horren inguruan neurri batzuk hartu behar dira», azaldu zuen eibartarrak.

Ziegaz ziega lagunak agurtzen •

Bazkal ondoren preso guztiak ziegetan zeudela irten zen Sarasketa, baina, hala ere, ez zen geratu beste presoak agurtu gabe. «Nik esan nien, ez badidazue uzten ni ez noa kalera, hor ibili gara. Esprikatu behar izan diet bakarrik izango dela ziegaz ziega

joan, minutu batez agurtu, eta ez zela ezer gertatuko. Ezetz eta ezetz esaten zidatenez, nik esan diot funtzionarioari: zuk ikusiko duzu, baina ni ez noa kalera. Eta jakina, utzi behar izan dit», azaldu zuen preso ohiak.

Basauriko kartzela berez oso ona ez dela iritzi arren, senideekiko hurbiltasuna eta une honetan 22 preso politikoei osatzen duten «kolektibo sendoak» oso ezberdin sentiarazi dutela aitortu zuen. «Sakabanatuta zaudenean argi daukazu preso politiko zarelara eta egoera horretan aurrera egin behar duzula; 22 lagunekin batera sentsazioa diferentea da,

baina zauden lekuan zaudela ere preso politikoa zara eta borroka baten barruan zaude, aurrera egin behar duzu ahal duzun moduan», nabarmendu zuen aldamenetik semeak uzten zion modura».

Zabalik dagoen prozesua baitartasunez baina zuhurtziaz azteritzen du. «Badago esperantza, baina nire sentsazioa da gauzak ez direla errazak izango. Bada arrisku bat, hasieran euforia bat egon den bezala, badago arriskua frustrazioa jausteko. Nik uste dut prozesuak aurrera egingo duela, baina horretarako beharrezko ikusten dut jendeak parte hartzea, argi ikusi behar dugu aurrera egin nahi badugu denok inplikatu behar dugula».

Preso bat ebakuntza egin gabe geratu da, ertzainek operazio-gelatik alde egin ez zutelako

■ Egun batzuk lehenago ertzainek iraindu zutela salatu du Urko Andreuk

Erredakzioa / Donostia

URKO ANDREU euskal presoari begietako ebakuntza egin behar zioten hilaren 15ean, Donostiako ospitalean, baina ez zioten egin, Amnistiaren Aldeko Batzordeek jakinarazi zutenez. Medikua eta gai-koaren arteko intimitate esku-bidea bortxatuz, ertzainak ez ziren operazio-gelatik atera, eta, ondorioz, Andreu ebakuntza egin gabe itzuli zen Martutenera.

Gertaera horren aurretik, ordea, Andreuk salaketa bat jarria zuen Ertzaintzaren kontra. Izan ere, hilaren 4an ebakuntzaren aurretiko probak egitera joan zenean «iraindu eta eraso egin» ziotela salatu zuen presoak. Orduan ere ertzainak kontsultatik atera nahi ezean ibili ziren AABek diotenez, baina azkenean, medikuak eskatuta, bakarrik utzi zituzten. Irtetean, ordea, modu txarrean eraman zuten kotxera eta ospitaletik Martutenera bitarteko bidea makurturik eta etengabe irain ar- tean egin zuela azaldu zuten AABek. X

Bilboko alkateak Dieguez preso aske uzteko eskatu du

Agentziak / Bilbo

BILBOKO alkateak gutun bana bidali die Espetxe Erakunde- deei, Baltasar Garzon epaileari eta Valdemoroko Zaintza Epaitegiko epaileari, Bilboko Juan Pablo Dieguez presoaren behin behineko askatasuna eskatuz. Josu Ortuondok gutunean dioenez, «kezkatuta» dago espetxe horrek ez diolako presoari dagokion «osasun eskubidea» ziurtatzen. X

Lehen ongi etorria Eibarren

Ane Sarasketa / Eibar. Mitxel Sarasketari, Eibarren, bere jaioterrian atzo iluntzean egin zioten lehen ongietorria. Ekitaldi xumea izan zen, izan ere, omenaldi nagusia asteburuan izango da, igande arratsaldean, Urkizu plazan.

Arratsaldeko 20:30etarako jende ugari elkartu zen Txirio kalean, Herriko Tabernaren parean ikurrina eta guzti Sarasketari ongietorria emateko.

Sarasketa eta bere neskalaguna, Uxune Iriondo txalapartaren doinuez agurtu zituzten, baita Sarasketaren eta presoan aldeko oihuekin ere. Ondoren dantzariak agurra eskaini zieten.

Larrosa bat jaso zuen preso ohiak eta ondoren txalo artean Herriko Tabernara sartu zen. Bertan herriko presoan argazkiak daude eta Sarasketak berea kendu zuen haren tokian larrosa ipiniz.

Horrela amaitu zen atzo eginiko bat bateko ongietorria, eta ondoren lagun artean geratu zen preso ohiak. Han bildutako jende ugari hurbildu zen bera agurtzera.

Orain bi preso gertatzen dira Eibarren, Mikel Zarrabe eta Fidel Gonzalez, eta azken horrek 17 urte daramatza preso.

Sarasketa atzo arratsaldean atera zen Basauriko kartzelatik, eta Eibarren jasotako

ongietorriaren aurretik asteburuan hildako herriko gazte bati egin zioten agurrean izan zen. Izan ere, istripuz hildako gazte hori, Kepa Sarasketa, Mitxel Sarasketaren plataformako kide den Miñe Arizmen- diren semea zen. Atzo arratsaldean eskaini zioten agurra gazteari frontoian, eta esan bezala, Sarasketa bertara joan zen esptxetik irtetean agur horretan herritar gisa parte hartzera. X



ZARAUZKO UDALA

ZERGA BILTEGI MUNITIPALA
KOBRAITZA IRAGARKIA

SANEAMENDUA 1998ko 3. lauhilabetekoa

EPEA: 1998ko abenduak 14tik 1999ko otsailak 10era

Zergadunek adierazitako zerga helbideetara ohizko postaz bidali dira ordainagiriak

ORDAINKETA KUTXA EDO EUSKADIKO-KUTXAKO EDOZEIN SUKURTSALETAN BURUTUKO DA, BIDALTZEN DEN ORDAINAGIRI OSOA AURKEZTU BEHARKO DELARIK.

Kontutan eduki une horretan ordainagiriaren helbideratzea eskatu ahal izango duzula.

Aipatutako kobrantzareko borondatezko aldiaren ondoren, zorrak ordaindu ez dituzten zergadunek, premiamenduzko errekargua eta kasuan dagozkien beranduntzazko interesak jasarko dituzte, premiamendu bidezko kobrantza prozedura hasiko delarik.

Zarautz, 1998ko abenduak 14.
ZERGABILTZAILEA